

Transkription von Stadtbucheintrag HRO 1389b

Ort, Datierung: Rostock, 1389-??-??

Signatur: Stadtarchiv Rostock, Liber recognitionis Nr.145, vor Bl. 18a (1.1.3.1 - 2.10.145) [\[online\]](#)

Inhalt: Rat der Stadt Rostock: Antwort auf Anklageschrift

Also vmme de . x . m(a)r(k) gheldes to cleue dar gher van der aa her Johanne an sprikt mach her Johan / dat bewisen also he van rechte schal . dat se dar vmme eer v(m)me to ende vor scheden . so scal id dar by / blyuen . Ok also he ene an sprikt vmme . x nobilen . des tũt her Johan to bedderuen luden . de dar øuer / vnde ane wesen hebben . dat se dar v(m)me vor scheden sȳn . to ende mach her Johan dat bewisen also he / van rechte scal . he scal des neten . Ok also he sprikt v(m)me de mōlen to bystouen also also se dar eer v(m)me / vor scheden sȳn mach her Johan dat bewisen also van rechte schal id schal dar by blyuen . Ok also gher sprikt / v(m)me den molensten den he scal twiȳe beret hebben also he schrift . dat he eme bewisen wil dat he ith iohan¹ geschreue(n) / heft mȳt sȳnes sulues hant . wes he dar ane bewisen kan . also he van rechte schal . des schal he gheneten / Ok also gher her Johan v(m)me en pert wes e(m)me her Johan dar ane bekant . dat holde he eme wes he eme / nicht enbekant . dar mach her Johan mȳt Rechte af scheden . Ok also gher schrift vmme sappeol dar erer / beyder kore schal wes e(m)me her Johan dar ane bekant . dar he eme dat holde . Ok also gher her Joha(n)ne . / schuldeghet . oft he wes vp gheboret heft na sȳnes vader dode wes eme dar ane bekant . dat he eme / dat wedder gheue . wes he eme nicht entbekant . dar mach her Johan mȳt Rechte af scheden / Ok also v(m)me de breue de vppe dat dorp spreket to bystouen vn(de) de wustenȳe to delende dat se syk des / vnderlanghen ghutlȳken vordregghen können se nicht so wil wȳ se dar v(m)me vor scheden mit Rechte / Bouen alle ding also her Johan schrift dat he wille bewisen mȳt der stat bȳke dat he endelende / sake heft mȳt gherde vnde sȳner mȳder dat schal endet blyuen in alle dessen saken . /

¹ eingefügt